

sont troys & ont dēfans de freres & daultres biē prochains amis desquelz quāt tu en aurās occis deux ou trois encozes en demourōt asses qui pourōt vėgier leur mort & te pourōt occire. Et iacoit ce q̄ tes amis soiēt trop plusieurs q̄ les amis de tes aduersaires. toutesuoyes leur sont prochains. & quāt a ce leur cōdicion est meilleur que la tiēne. Apres veōs ēcozes se le cōseil que lon ta dōne de la vengāce tantost prēdre se le cōseil a rayson. Et certes tu sces que nō. car selon droit nul ne doit faire vengāce daultroy fors le iuge qui ha la iuridicion sur luy. iacoit ce que vengance soit ottroie & permise a aucuns quāt on la fait incōtināt & atrempeemēt selon ce que droit le commāde. Apres encozes sur ce mot cōsentemēt tu dois regarder se ton pouoir se cōsent a ta voulente & a ton conseil. Et certes tu peuls dire que nō. car a parler propremēt nous ne pouōs riens fors que ce que nous pouons faire deuement & selon droit. Et car selon droit tu ne dois prēdre vengance de ta propre auctorite lon peult dire que ton pouoir ne se consent point a ta voulēte.

**O** ſcōiēt examiner le tiers poit que tules appelle cōsequēt. Tu dois doncques scauoir que a la vėgance que tu veulx faire est consequent et cōsult aultre vėgāce peril & guerre & daultres maulx sans compte & moult de dommages lesquelz lon ne voit maintenāt. Quant au quart point que tules appelle engēdremēt tu dois scauoir que ceste iniure est engēdree de lenuie de tes ennemis. de la vėgāce hayne raucune guerre & degastemēt de tes biēs. Quāt es causes qui est le dernier point que tules y met tu dois scauoir q̄ liniure qui ta este faicte ha deux causes entieres et efficiētes la loingtaine et la prochaine. La loingtaine est dieu qui est cause de toutes causes. La prochaine sont tes troys ennemis. La cause accidētale fut hayne. La cause materiale sōt les cinq playes de ta fille. La cause formale fut la maniere de faire liniure. cest assauoir car ilz appoierēt eschielles & ētrerēt par les fenestres. La cause finale fut car ilz voulurēt ta fille occire & par eulx ne demoura. Mais la cause finale loingtaine a quel fin ilz viēdrōt de ceste besoigne nous ne la pouons pas bien scauoir fors que par cōiectures & par presumption. car nous deuōs presumer quil en viēdrōt a male fin par rayson du decret qui dit. A grant peine sont me nées a bonne fin les choses qui sont mal encommenciēs.

**Q**ui me demāderoit pourquoy dieu a voulu & souffert quil taient fait tel iniure ie nen scauroie pas biē respondre pour certain. Car selō ce que dit lapostre. La sciēce & le iugemēt nostre seigneur sont si pfont